


|                            |                  |             |                  |
|----------------------------|------------------|-------------|------------------|
| 小南高等商業學校                   |                  |             |                  |
| 圖書部                        |                  |             |                  |
| 總<br>二<br>五<br>八<br>四<br>號 | 一<br>〇<br>三<br>冊 | 四<br>八<br>號 | 九<br>門<br>三<br>部 |



日本國志第二

卷之八

出使日本參贊官黃遵憲編纂

鄰交志下二

泰西

自美約鈐印於是慶恕慶篤慶喜慶永等

水戶爲三親藩使輔翼宗家班列三百諸侯上仍稱德川氏秀

忠又封其兄子及其子於越前於會津別爲松平氏世以德川

氏爲宗族松平氏爲支族慶恕後更名慶勝爲尾建言請廢條

張後慶篤慶喜皆齊昭子水戶後慶永爲越前後建言請廢條

約奉敕旨而諸藩烈士草莽激徒倡尊王攘夷之說者紛然起

矣七月幕府乃黜齊昭慶篤慶喜命慶恕慶永退居時帝屢詔

徵三親藩及大老將軍奏令老中間部詮勝西上

奏曰慶恕齊

謹餘則幼弱耳諸番踵至外事冗劇大老亦

未得西今遣詮勝西上及其入朝請垂咨問

任將軍大老井伊直弼益專擅帝乃特降內旨於齊昭曰將軍

與外國私締條約雖事不得已然未嘗奏取進止如此大事不  
 以上聞非弁髦王章而何往日徵三親藩於輦下且敕使奏列  
 侯意見將軍依違不奉敕乃使老中詮勝西來如此則患不在  
 外國而在蕭牆聞水尾越皆有罪外患逼切而翦羽翼奈人心  
 向背何朕欲合羣策羣力以謀國是汝宜竭股肱力糾合眾議  
 以禦外夷侮初齊慶素主攘夷議改革藩政練兵鑄礮以備海  
 退居及美國劫盟幕府起用齊昭齊昭既而有諸之者幕府遽令  
 以主戰不與閣議合終廢黜齊昭既而憤懣不得志於是其京  
 邸監鵠飼吉左及安島帶刀鮎澤伊太夫等與鷹司家臣小林  
 良典近衛家婢村岡謀周旋諸公卿間左大臣忠熙內大臣忠  
 忠房乃同奉敕草詔遂齎歸江戶時直弼謀悉其狀又偵知諸  
 藩臣遊士贊成朝論誹議幕政乃大索執安島帶刀等二十七  
 人十月詮勝入京與關白尙忠所司代酒井忠義謀責令關白  
 政通前內大臣實萬削髮執王人紀正恒等三十五人尋入朝

奏曰主上欲絕夷狄幕府敢不奉詔然王室霸府苟懷貳心事  
 必無濟願姑緩之十二月幕府檻致京囚於江戶命寺社奉行  
 大目付鞠之初幕府修大阪城夷天保山以置煩臺是春成令  
 大藩嚴大廟京師守及魯墨入港幕府又命高松松山桑名三  
 藩起寨皆掛八幡鷹峯命安濃津備京師非常關山鳥取高知  
 成大阪荻成武庫柳川成界浦六年己未二月陶栗田宮尊融  
 福井成神奈川二本松成富津親王命伊達宗城退居山內豐信亦告老三月忠熙并辭官削  
 髮一條久我萬里小路皆黜皆以降攘夷詔於齊昭故也明年  
 幕府斷水戶獄大老等數齊昭以密奏京師私請赦書等罪遂  
 禁錮之水戶并幽其子慶篤慶喜屏居太田資始黜作事奉行  
 岩瀨愿軍艦奉行永井尚志西城留守川路聖謨等尋斬鵠飼  
 吉左等八人餘禁錮流竄初直弼議刑老中太田資始諫之曰  
 此輩所為亦出憂國至誠宜從寬典板倉勝靜佐佐木顯發亦  
 諫曰若處極刑為眾怨府必生亂階直弼不從遂獨斷行之株  
 連甚眾時人謗其濫刑比之漢黨錮明東林禍而五月帝賜黃  
 人心益憤處士謀殺外人陰刺朝臣之禍叠作矣金於尙忠政通忠熙輔熙實萬及兩奏職事諸公卿以慰外事

之勞因敕曰嚮侍從詮勝入奏朕傳旨幕府再三今且欲觀幕府措置天下物情卿等其注意幕府尋奏獻金五千兩充御用臣加關白尚忠職俸五百苞采邑一千石三月水戶臣及鹿兒島臣刺殺大老井伊直弼於櫻田數以擅許條約諸罪水戶佐野光明齋藤監物等入朝邀殺於道提首而去或關死或自裁有村兼治等伺直弼上書曰直弼挾幼主恣威福擯斥親枝廢錮忠臣殺戮義士幽囚親王而反賊共戴天爲天下誅之敢待斧鉞是春下令徒諸商於神奈川至夏開橫濱長崎箱館三港許人民貿易頒五國條約於全國禁以律書兵書公鑑武鑑城郭地圖及銅屬賣於外船又令諸海船帆用白布艦上樹畫日白旗以別外船遂爲全國徽志初畫日船標惟幕府輪漕用之萬延元年庚申正月初英墨遣使促日本使節赴二國家茂遂延見佛使至是遣外國奉行村垣範正新見正興軍艦奉行木村某目付小栗某等

二百餘人於墨乘島津氏所獻太元船及墨人蒸氣船而發至十月復命幕府遣使節於海外是爲嚆矢明年遂遣使英佛墨蘭魯普六國七月英人入江戶議設館於殿山品川家茂延見墨英二使尋見佛使英人二十餘名上富嶽幕吏百餘人普魯斯使至江戶請條約不聽八月前中納言齊昭卒年六十餘齊公戒長壽奉行曰內地爭戰楚得齊失要不出區區實荷寸壤尺土沒入於外夷則我日本之國辱莫大焉夫蝦夷千島本我神州地而鄂人傲然據之豈啻尺寸實干古悲憤故當講維新之術畫開拓之策移內地民從事於開墾以固其門鎖鑰維新之門往來外議又當上疏曰造三檣船數千艘固其門鎖鑰維新之諸寺鐘以鑄軍礮則兵足用其論攘外謂當以組練之師分屯衛要使彼就陸地決戰乃可以逞吾志亦深合時勢齊昭紹光國遺志常欲尊王請修山陵復諡法攘夷之論實其首倡其已未發江戶詩曰白髮蒼顏萬死餘平生豪氣未全除寶刀難染洋夷血却想南陽舊草廬天下爭誦之及卒浪士三十餘名夜詣薩州邸呈書曰水戶既死海內除貴藩無可依賴者願屬貴藩爲攘夷先鋒問其姓名皆不答薩藩啟之幕府幕府命置之其邸其後倡尊攘論者多其遺臣甚至奉齊昭木主以稱兵

焉八月有人要殺墨使書記比由斯堅於三田幕府大索之  
獲明年幕府與洋銀一萬元於其母十一月箱館奉行堀利熙  
屢諫老中安藤信正不聽遂上書以死諫墨使日記謂貴邸  
被同餐尊之如師又結為兄弟懼與之刑典數部彼贈衣帛球  
玉閣下酬以慶長金保金一萬鑑彼以爛醉挑侍婢閣下伴為  
聾瞽而不問殿山築館卧榻斷眠閣下亦剖其無他甚則渠論  
廢帝事閣下使國學者索舊典僕竊聞之血淚灑雨鐵腸若裂  
閣下肝腦塗地而不辭也臨絕之言幸鑒哀鳴死且不朽文久  
元年辛酉二月水戶藩士子弟脫籍屯長岡驛嘯聚無賴至千  
八百人移檄曰紹故黃門遺志以舉義旗一將率水軍畧橫濱  
燒館塵夷一將率陸軍入江戶誅吏之許互市者江戶戒嚴命  
慶篤追捕又遣小普請講武所士三百餘人於橫濱守蕃館命  
諸侯備東禪濟海善福諸寺皆洋館也五月水戶亡命有賀重  
信柳鉞三郎等十四人襲東禪寺英館揮槍傷英卒三人幕吏

及郡山西尾衛士驚起互鬪殺傷衛士十餘人幕府賞衛士命  
水戶捕餘黨既而召諸藩議水戶獄重信英使責老中安藤信  
關死外斬大關某等五人正曰政府萎蕤不能制彼亡賴我自問其罪先是戊午七月亦  
於橫濱與佛蘭兩使將以兵逼信正等力懇事裁平自是英置兵  
橫濱戎裝赤目曰赤隊明年與英死者親族洋銀三千元六月  
幕府命新庄桑名松山守神奈川藩館尋命姬路松代守橫濱  
七月英人來請曰自神奈川至長崎箱館洋多暗礁願測量海  
底幕府許之令外國奉行屬吏入英船與俱告沿海諸藩縱英  
人上陸及圖成頒於諸藩二年壬戌正月有人要擊老中安藤  
信正於阪下門傷之亦斥其親昵夷狄等罪信正多攜家臣自  
衛傷肩僅免刺客  
七人格闕皆死檢屍各懷書畧曰安藤承井伊氏後奸謀詭計  
過之十百蔑侮朝廷親昵洋夷與京尹酒井謀幽公卿正言者  
廢君臣父子之大倫溺夷狄禽獸之汚俗又命國學者索廢帝  
古例將使大將軍蹈北條足利轍大逆無道臣等為國家誅之

當是時朝廷決計攘夷幕府逼於強敵不敢奉詔乃大張威焰  
削親支錮公卿戮志士又諷令諸侯之持異議者退隱辛酉十月令  
錮島齊於是朝野皆失和三月長門藩毛利慶親上書幕府謂  
王霸相和本也諸藩開鎖末也國本立則開鎖之權在我請翼  
戴天子協和眾心以固國本又見老中久世廣周曰自黜鍋島  
氏大藩失望各自為計萬一有挾天子以號令四方者何以應  
之廣周等愕然慶親視少頃曰為今之計有春岳即慶為大  
老刑部卿喜為輔佐以洗弊政耳慶親因薦其臣永井雅樂  
熟於京人幕府召雅樂厚遇之授密旨入京師四月雅樂上書  
於議奏大納言忠能陳時勢不可已請赦許條約不聽雅樂頗  
所條陳洞悉時勢然當時脫藩士輻輳京畿出入縉紳門交皆  
雅樂遂不得要領而東歸長人在京者惡雅樂欲刺之雅樂謀  
知取道中山道來原良藏為雅樂副及歸屠腹遺書曰調停王  
霸卒以扞格自許忠義今反為不忠不義故以死謝明年雅樂

亦以事時薩摩藩島津久光亦密奏入京上疏曰戊午以來幕  
吏恣許互市親如三家尊如上公持攘夷議者輒加屏黜志士  
亡命結黨或刺大老或戮醜虜遂欲起義兵幕吏肆其威棱苛  
猛如虎而士氣益激勢日益甚臣恐其釀亂陷夷術中與諸臣  
議將東建言於幕府途遇處士欲迎臣舉事臣諭令俟命敢請  
處分朝廷因留久光鎮京師初浮浪冠平野國臣轟武兵安積  
王攘夷之說於播磨同盟至數百人相謀曰烏合舉事孰與依  
賴大藩久光將赴關東過姬路國臣等授之曰近日幕府茂朝  
命親外夷臣等憤激將戴我公以解諸公卿幽屏據大坂彥根  
二條三城下令七道奉皇駕於兩嶺東問罪幕府并殲滅醜夷  
請公察微衷奏之朝廷久光諭留伏見自以士卒千餘人入京  
師既而薩之亡命在大坂者憤久光過鎮重與諸浪士相率將  
逼京師久光乃遣藩士要之伏見遂激論關爭有馬新七以下  
死者八人藩士亦蒙創初所司代酒井忠義呈書傳奏曰仄聞  
西國亡命嘯聚於大坂兵庫唱暴戾之說苟公卿密通其謀必  
有不測變萬一有逼輦下規威劫者下官當竭力誅夷之及伏  
見變起上下騷擾忠義等倉皇遁由是所詔曰關東奏請限十  
司代威令墜地處士橫行殺伐之風大起

年絕外夷汝其奉旨運謀以張國威既慶親復上書幕府曰近  
日列藩游士不經幕府而直奏天朝苟有奉詔要關東者當釀  
羣雄割據之勢將軍宜朝京師會列藩議國是大事奉詔以行  
使天下皆知公議所在將軍尊朝廷則天下皆尊幕府矣五月  
峰須賀茂韶亦上書幕府畧曰昨日之歷今日不可用許外人  
互市亦非失算而恨其不當窺何也先拒而後許彼既以要挾  
遂志則所求皆挾勢而來何怪彼之傲很不馴乎茂韶恐我清  
淨土陷為腥羶域今游士嘯聚闕下人心向背亦已可見側聞  
敕使東下王室之親疎皇國之安危係矣轉禍為福在今日生  
釁釀亂亦在今日事機一去間不容髮請選非常之人以處非  
常之事若松平春岳鍋島閑叟藤堂高猷伊達春山皆宜使之  
參朝議麾下之故源齊昭故島津齊彬前所建白多可參酌宜

引三家三卿以陳意見優待大藩以備諮詢又曰海防大事請  
命海外各國造十數艦使麾下士人就學操船或巡視北邊魯  
西亞境或航朝鮮廣東香港呂宋瓜哇諸島以熟海路置造船  
鑄砲場於五畿七道每道三所使工人學習技巧如此庶可興  
內治而禦外侮又曰將軍宜入觀謝釐降之恩曰皇宮供御宜  
倍舊額曰宜修歷朝山陵曰四方游士憤受外  
侮遂犯幕法其情可知其跡可憎請  
寬假之使各歸其藩其餘尚數條藤堂高猷亦請入朝以慰  
天下望權宜以寬游士罪攘夷以肅將軍職幕府皆納之時有  
詔召慶親西上與島津氏同鎮處士島津毛利氏既居京東西  
相周旋家茂乃先後釋慶恕慶喜慶永及山內豐信伊達宗城  
罪尋奉詔解粟田宮鷹司近衛一條久我萬里小路等幽屏朝  
廷又遣左衛門督大原重德奉詔東下島津久光及毛利家宰  
等從之五月十日詔至畧曰今外夷益猖獗幕吏誤措置天下

騷然萬民將墜塗炭朕仰恥祖宗俯愧蒼生幕府奏曰近以人心不協故不能舉膺懲之師苟降嫁皇妹則齊心協力以攘夷朕特許所請幕吏乃連署奏曰限十年必奏攘夷功朕甚嘉之親禱諸神以待其成客臘和宮東下朕告國政仍舊委幕府惟外事實關國體故使奏聞而後定且命二三大藩參預其謀幕吏依違未奉行既而薩長列藩及西海南海各處士蜂起建議凡所密奏雖畢出於忠誠憂國而事甚激烈朕召老中久世廣周西上又遲遲未行幕吏因循偷安失撫馭術恐國家傾覆立至矣朕曰夕憂懼朕欲使德川氏恢祖先功業張天下綱紀因命三事其一使將軍率諸大名謂諸侯日本通稱入朝議治國家攘戎夷上慰祖靈下順民心其二依豐臣秀吉故事合沿海大藩五國為五大老以整武備其三使一橋川部卿謂慶喜輔佐將軍越

前前中將謂慶永任大老職行內外之政則必不受左衽之辱將軍宜撰其三事以行其一家茂因理裝西上是月英人上書幕府言小笠原島非日本有幕府先已遣水野某巡察乃引證據答之六月松本臣伊藤軍兵殺英人二名於東禪寺而自殺幕府罷松平光則警衛出軍兵屍以謝英尋以洋銀三千元與死者族軍兵居常慨光則警衛洋夷欲以事致仕八月敕使重德西歸島津久光護之先發途過生麥英人馳馬衝久光前驅衛士誰何不聽怒馬直過衛士遂殺之長人桑原良藏入橫濱欲斬外夷見捕自殺十一月又敕三條實美東下詔曰朕於攘夷議萬變弗渝然人心不一則事不集朕欲布攘夷詔於天下若策畧則將軍職掌其集思竭慮家茂對曰攘夷臣職也然須令列藩養銳待賊臣明春入朝再奏方畧三年癸亥正月魯人來江戶告曰英佛將舉

兵來而諸浪士在京攝間者方以攘夷促慶喜慶喜曰待將軍入朝浪士扼腕而退遂殺千種家臣投首於慶喜館曰爲攘夷血祭又殺池內大學梟首於大坂難波橋榜曰是通夷賊又投一首於山內豐信館書曰是亦助惡者今攘夷詔下公之舉措安危係焉微者之首敢供轅門肥後人轟武兵長門人久坂元瑞寺嶋忠三郎土佐人武市半平大等詣關白邸逼之曰慶喜慶永已入京而屢延攘夷期朝廷亦置之不問臣等憤激之餘或不能顧尊貴欲血刃以祭軍神關白大驚報之各藩大納言實德中納言季知少將實麗大藏卿隨資等亦促關白以攘夷關白報之慶喜慶喜與容保慶永豐信答之曰待將軍入朝而後決尋詔公卿及在京諸藩早奏攘夷功又用武兵等言詔洞開言路遴選參政特置關國事一官撰當時公卿有名望者爲

之二月英佛軍艦相踵入橫濱十九日以書逼曰願獲島津三郎否則取償金六十萬圓於政府別取三萬圓於鹿兒島區區者不余畀則當以礮火鳴冤請自今限二十日賜答江戶戒嚴命間部詮實守殿山津輕朝澄岩城某守越中島松平信庸事久世某守濱苑安藤某守羽田山內豐福淺野某守大森事報京師詔在京大名曰英人至橫濱問生麥事有藩屏任者其各就國整兵乃令前田齊泰備京師軍糧毛利慶親備對馬援久昭代之德川茂德茂二見浦與安濃津同是月十三日家茂護大廟池田慶德督攝海諸戎兼守隱岐發江戶三月四日至京帝幸上下加茂廟親祈攘夷家茂率諸侯扈從初家茂未西豫詔在京限十日以攘夷期逼也既英事日急有燒品川高輪之說東人日勸家茂東歸德川慶恕上疏曰君臣和而夷可攘諺曰去者日遠臣恐釁開不如緩將軍東歸慶喜容保亦說輔熙實美請留家茂帝燕見家茂待之優渥

日業既委萬事當在此指揮大名茂感喜

島津茂久臣本多某獻十策於關下

日築大阪外城引淀河為渠其規模倍豐臣氏四面起煩臺諸門設大銃數十日尼崎岸和田兩城為大阪羽翼倣阪城制開周池築煩臺集攝之兵於尼崎泉之兵於岸和田日和田岬築八稜城亦徵不沿海諸國之兵守焉曰自安治川木津川至山崎八幡峽連築煩臺曰令武庫界浦市人徙京師日紀伊阿波淡路遣公卿各一人巡視其海防作圖奏之曰沿海各國建土著戰守之策勿勞奔命曰武庫界浦等處及其他要港置軍艦其十請大將軍留京指揮列藩至是島津久光奏曰臣獻鄙見以論時事而議口間之媒孽者多臣言不行久居關下慮有不虞且攘夷期近願賜數月暇因留書明日就國以諸藩在京或有議嶋津四月詔家茂令十萬石以上三藩同戍京師代以氏執事者也

百日家茂詣關朝廷決以五月十日為攘夷期家茂勉奉詔布告諸藩而心知不可既而帝行幸男山欲親授攘夷節刀於家茂關白輔熙左大臣忠香等皆扈從焉家茂臨期稱病因召慶喜欲授之慶喜窮蹙俄稱病下祠浪士等聞之怒曰咄惰夫不足與有為遂請帝親征願為先鋒朝廷暫慰藉之

既而慶永為浪士所逼知

攘夷難行上書辭總裁職遽歸就國山內豐信伊達宗城等皆就國時英國償金議久不決薩人

上書幕府曰聞英人逼政府欲得吾族三郎而甘心苟授首而解難固所願也然英人失禮於我我故斬之曲在彼而反求償何舛也三郎欲授首於兵間敢請命公卿亦主張不償之說既有傳聞英佛寇攝海者時德川茂德留守江戶驛騎絡繹促家茂東歸既而慶喜長行等亦幕府老中奉攘夷詔東下英佛益逼幕府老中欲俟家茂歸五月老中多稱病無一入視事茂德乃親自西上慶恕又使人要之途茂德入名古屋城亦稱病幕吏已再四延答期欲再延則無辭老中松平信篤井上清直等遂授償金券於英人會長行至欲先鎖港而後償金老中不聽長行獨至橫濱告各國公使曰我邦獨立久矣邦人皆不喜外交故京師命幕府鎖港止貿易公使等答曰吾輩奉國命通商

此非吾輩事當遣使本國議之然結約復破各國將問背盟罪  
日本何不達字內形勢之甚幕府慮英佛生變宣布市民市慶  
喜在途聞償金議決飛騎止之既知勢不可挽乃入江戶出償  
銀四十萬圓於英事始平京師聞報公卿譁然秉燭會議徹旦  
不決先是毛利慶親奉朝命大修下關堡是月十日戌兵發庚  
申艦礮擊墨船於田浦洋中墨船亦發煩入夜大雨海面昏黑  
彈多不達戍兵又放一艦交戰數刻墨人有死傷者遂遁家茂  
時巡坂攝海防及歸京攘夷過期東報未至兩奏讓幕府慶恕  
等對曰遣使促之尙遷延則命將軍東下慶喜亦自東上書曰  
臣未見攘夷勝算幕吏疎臣爲包藏禍心臣內外煎逼恐負聖  
恩請辭職朝廷不允六月三日家茂入朝詔乃許東歸初下關  
兵與蘭船戰互有死傷是月墨艦來襲破庚申艦礮臺亦毀尋

佛艦突入毀赤馬關壇浦杉谷諸礮臺上陸放火前田村長人  
短兵橫衝其隊伍苦戰僅卻之幕府令中根一之丞等乘朝陽  
艦至長詰問長人不服并殺幕使當長人礮擊墨艦小倉對岸  
日鄰國之義緩急相援今閉戶不救是背攘夷詔也此後我礮  
擊夷艦對岸咫尺不保彈丸不及願勿責我小倉人日將軍在  
職幕命乃敕命不敢爲輕躁之舉彈丸之及不得從命自是倉  
長有隙一之丞等過淡路若屋洋德島藩長坂貞治誤認爲外  
船發煩後貞治屠腹謝罪一之丞等將赴小倉過田浦長人礮  
擊之下小艇詰問長人答曰幕艦模洋式故擊之不則誤認洋  
船以爲我艦可乎一之丞與鈴木八十五郎入詰長事長重臣  
答曰奉朝命幕旨焉爾何敢擅乎拘留二使遂暗殺之幕府遂  
大惡當是時朝廷已下攘夷詔幕府密主和議而長人已開兵  
端乃詔賞長人果斷特賜紅白御旗於又命以少將正親町公  
董爲監軍傳攘夷應援之詔於諸藩曰兵端已開苟袖手旁觀  
非皇國臣民諸藩其一心敵愾互相聲援以雪國恥遣公董於  
西水戶會津伊達細川池田山內有馬等親兵從之尋筑前肥  
前諸藩馳使至萩城曰貴國復有寇必致援軍淺野茂勳亦欲

援之請 又遣禁裏付小栗某下江戸責幕府速舉兵又詔讓幕

府私盟曰鎖港限三十日苟七國不退則攘之

且并絕和蘭何也七國謂英法墨魯蘭及葡萄牙普魯士 六月二十七日英人帥七軍艦抵

鹿兒島曰生麥之事已與政府平然主謀無罪事不平請贖金

三萬圓養死者妻孥不則得主使者薩人對曰殺人者死萬國

所同俟捕獲亡命敢不伏辜然衝大名鹵簿我亦有法禁與足

下辨曲直而後議養妻孥七月朔英人奪蒸氣船三及琉球船

二焚之薩兵大怒乘大風雨邀戰英艦一不動其六折旋自如

指岸礮擊九無虛發碎礮臺及礮數十火及鹿兒島市延燒數

百戶薩兵亦礮傷其艦殪二將死傷者數十人薩士乃乘飛舸

入英船乞和英人即止戰薩士附英艦至橫濱請金二萬兩於

幕府與之事乃平

初薩摩掛壯士五十名偽賣菓船謀分入英艦刺其船將陸兵應機一擊薩之以風浪大

不得近計終不成及戰英一艦不遑拔錨絕繩而去薩人奪錨至和成乃返之英艦過攝海時鳥取人襲擊之英不戰而去後

鳥取將亦屠腹謝罪云 八月詔大坂城代曰蕃艦如來急擊勿失幕府下

教曰既奏請見許必勿浪戰時詔教齟齬率如此毛利慶親已

開戰欲頒攘夷親征詔於天下奏請行幸大和帝遂詔曰拜神

武天皇陵駐蹕春日山議親征自帝命薩長土三藩留鎮京師

諸侯望風朝者八十餘國幕府奏請以松平容保為守護職帝

亦命留鎮而薩長士勢最强相傾軋朝臣各分左右袒又恐浪

士主戰者縱橫輦轂會行幸議決忽有流言謂長人當乘行幸

火大內奉駕函嶺東征幕府朝議忽中變是月十七日夜半親

王尊融左大臣忠熙以下盡朝決議召守護職所司代徵兵備

非常議奏傳命鎖九門令薩摩會津因幡備前阿波米澤淀分

守之停公卿十三人參朝召大納言實德大納言實愛中納言

光愛等尊融傳詔曰議奏關國事等信長人詭激矯詔旨圖不  
良天皇震怒親征非敵旨也十八日遂詔停行幸免長人戍兵  
長人乃挾中納言三條實美等西去容保等仍備非常詔曰近  
者詔令眞偽錯出十八日以來詔乃實出朕意四方其體之九  
月命親王熾仁爲攘夷別敕使旣以關東奏鎖港停之十一月  
朝廷詔諸藩曰鎖港待幕府指揮勿輕舉妄動主攘夷者聞之  
不懌曰朝議復陷姑息矣相率奔長是月家茂遣外國奉行池  
田某河津某目付河田某等於英佛諸國圖鎖港事先至佛說  
容某等目擊海外交際日盛有所悟遂不願說各  
國明年八月歸具陳其由幕府責其辱命削官祿十二月二十  
七日家茂復乘軍艦入朝元治元年甲子正月十五日家茂入  
京總裁松平直侯等從之二十日家茂率諸大名朝獻詔家茂  
曰朕愛汝如子汝親朕當如父醜夷不可不懲然不可輕舉暴

動宜以實心行實事汝上策畧朕詳察可否以定不拔之國是  
又曰暴虎馮河非朕所好而三條實美等不察大勢矯詔親征  
欲討幕府長人遂礮擊夷船暗殺幕吏勾引公卿其罪大矣然  
皆朕不德所致自今海內一敵愾絕外交以副朕意其他賜詔  
者四十餘藩時謂之翻覆綸旨自三條實美等西去詔翻實美  
曰臣尊攘之志始終不渝聞親征詔下距躍三百欲爲先鋒何  
圖詔停行幸罷臣宿衛臣爲讒言所中傷九夭爲証無以自明  
臣今不敢詣闕自陳惟堅奉前詔一意攘夷以死報國島津久  
光入朝亦奏曰八月之事臣不勝悲痛朝令夕改衰世積習請  
察時勢人情建不拔之基臨事紛紜良法奇策徒屬無用幸詔  
列藩決大計池田慶德奏曰嚮事紛紜良法奇策徒屬無用幸詔  
始終不渝慮一惑天下得窺九重淺深而不信朝命夫七卿  
毛利氏之觸朝譴雖非無故然要之遵奉獻旨爲攘夷嚆矢足  
以償越境之罪苟奉詔攘夷者蒙嚴譴則人人解體將日不如  
因循姑息之爲愈是自開環釁陷於夷術中也敢請許七卿及  
毛利氏入京以明示積年攘夷之旨一海內人心長固護久與  
其弟護美奏曰要港已開而夷欲無屢朝廷主決裂幕府主游  
移至於鋼公卿戮志士而國內之隙開矣慶親初念在協和幕  
府以戴王室顧朝旨幕命未盡善是以激烈之徒說七卿等輾

轉相激爾如聞長人固執十八日前詔為真敕十八日後詔為偽敕然則其不奉幕命必矣請召慶親父子或重臣至大坂下敕諭之使奉幕命然後責其罪彼必低首屈服否則四月詔家釀成內訌恐外人乘釁其餘上疏論事者三十餘人茂曰汝入觀列藩亦會同今後宜政出一途以示人歸嚮攘夷鎖港必奏爾功若實美慶親等處置一委之汝先是朝廷置參尊融及容保慶承久光豐信宗城護久等為之六月大納言實良奏曰朝廷下攘夷詔而將軍以鎖港奏公卿諸侯東西奔走皆志在攘夷將軍與慶喜既奉詔然入則奉書出則忘戰臣不解其故大原重德亦奏曰今天下洶洶懼敵旨中變臣決知其不然特請變鎖港為攘夷布告中外以示必戰定民志不報八月幕府下教征長門初長藩士屢上書乞省慶親父子罪弗省老福元備等率兵犯關容保糾諸侯兵討平部署肥筑薩藝等之七月十七日下征討詔尋削慶親父子爵部署肥筑薩藝等二十一藩以德川慶勝為總督時各國欲寇長報怨公使會議

於橫濱及聞幕師征長遂命將先攻是月五日有英佛墨蘭艦十八艘入豐前洋寇馬關礮擊前田壇浦煩臺長人應之彈丸交注礮煙蔽海日暮交綏六日再戰長人不利徹守走四國兵上陸進至板谷長人襲敗之殺十數人七日四國兵據山狙擊長人力拒迭有勝敗而長人鉛硝既盡不得已約和各國船長責前事長人對曰奉朝旨幕命耳出證左謝之乃定約撤戍罷築礮臺曰嗣後縱外舶來往下關許購石炭薪水食糧遇颶風許上陸償金則俟與四國公議處以公法媾乃成既而各國公使逼幕府曰長事須償金三百萬圓取之長人乎抑問政府答曰政府取彼與之各國公使日夕督促既幕師攻長長人伏罪明年正月遂徹西征之師慶應元年乙丑五月幕府以長人內訌再征長家茂親督師於七月入京九月各國公使自橫濱航

入攝海老中阻之不可徑入武庫佛公使上書幕府曰訂約久矣以王朝諸侯持異議內亂騷擾馴致遷延今薩長已通好於英均許開港而政府反議鎖港何也英使欲而議將軍將軍不遽諾故不得不以師從佛深爲貴國寒心今不許條約則造礮鑄艦之術不傳其何以強兵一敗再敗勢不可問不如請敕許卽開武庫以解諸國惑家茂大恐因奏請讓軍職於慶喜別疏曰今宇內互相往來萬里之大彈丸之小無一國能閉關拒人者獨我國遷延退避畏之如虎何以持國體自墨使入下田迭奉聖旨拒絕外交然臣家茂亦面奉明詔戒輕戰於今八年矣西征事起臣入阪城不圖夷艦突進武庫要條約敕許今內憂外患逼於臣身非臣身皇國臣民同此禍厄海防何者足恃與各國戰幸而小勝環海皆寇生靈何辜臣身存亡卽置之不

問臣誠不敢知寶祚安危如何臣不勝痛哭願得賜敕申約以舒目前之禍疏已具令德川元同入京家茂遽發大阪至伏見治歸裝諸將士視急爭從道路繹騷慶喜在京聞之大愕卽夜與容保定敬單騎馳赴伏見面議而還十月慶喜容保定敬長行等亦連署奏請敕許詔問諸藩多許之者五日家茂乃入朝令傳奏飛鳥井雅典野宮定功賜敕於家茂允許條約然猶不許開武庫幕府告之中外外艦乃去自戊午幕府結假條約朝野謗議至是乃得敕裁家茂遂駐大坂命將西征有佛艦過馬關曰佛已與政府盟不得不援政府討叛者今將赴長寄請歸路報我及長攻小倉佛人詰長人長人曰幕府屠我大島燔我聚落殺戮亾辜小倉負鄰交啟東軍我何得唾面不報會英船來居間和解佛人乃去或曰幕府私囑佛以劫長也尋英人率

日本國志卷之六  
軍艦及測量船各一泊宇和島伊達宗城遣吏按之對曰政府無變條約英豈有異志二年丙寅七月十一日將軍家茂薨於軍布告列藩旋征西師詔以慶喜爲將軍十二月帝患痘崩今帝慶應三年丁卯春幕使小出某石川某等自魯復命初壬戌秋竹內某松平某使魯議事以樺太一地委奴以色列兩種人分處欲限北緯五十度定兩國界魯人爭曰烏得以此地爲貴國有以輿論言之謂之滿洲屬島可也且四十八度以北未見委奴人種乃欲分五十度乎此土無界可定然疆場之邑或彼或此亦非我所好我在下田嘗與貴國約人民禱居貴國置不問曰他日日擊實地以議無已今以阿丹和港界之二人察其言有奪全島意然茫乎不辨地勢乃立券約就地勢定界幕府請命熟地理者檢之居五年使節未遣魯遂大起土功拓樺太

島事聞幕府大驚去年冬遣小出等至其京都執舊券議就地勢定界魯若爲不知者欲以千島代樺太蓋謬以千島爲魯有也小出等讓其食言魯人曰口舌何益今與貴國隨開隨居不亦善乎小出等議曰雖唇枯舌燥辯之無濟今魯人拓地已及五十度南需者事之賊我國之咎也終復約彼我人民禱居而歸五月詔開武庫港先是各國公使自武庫至大坂賀將軍襲職且促開港慶喜奏請曰曩先帝明察俯允條約然猶禁開武庫先臣家茂豈敢違旨而不以布告者以開港之期載在盟府不可渝也苟或失信各國將以兵戎問背盟之罪我中世以還羣雄割據互相盟誓每灑血爲書然當城下窮蹙肉袒求和輒以爲姑許紓禍以待後圖當歃血之初已萌背約之意故已盟復寒視爲無足輕重之事然不可施於今之外國也今萬國交

日本國志 卷八  
際首重締約一語已下山可移海可覆而約不可廢故約中一字之墨萬民之膏血係焉利害所關不可不慎今之條約誠有失便宜者而非開武庫港之謂也臣聞英美魯佛各相往來環球而居雖異宜異俗而橫目圓顙均是人耳既無彼此卽謂之同胞可也萬國和會我日本乃欲獨立海中閉門拒絕能乎不能一締條約互相維繫強不得凌弱大不得併小故西人謂條約尊於法律法律所以治一國條約所以綰萬國鄭重如此臣敢披赤心保其無他伏冀陛下詳古今之變察宇內之勢從已許條約特開武庫以昭國信揚皇威朝議以其先朝所禁詔諮詢列藩淺野茂長池田茂政池田慶德頗獻異議其他可之者多終許之幕府乃以本年十二月爲開港期後更期以明年三月方是時幕府大政皆仰朝旨而壽永齊正豐信宗城久光等各

各參大政尋豐信上書幕府曰比年以外交釀內亂東西分擾者無他政出二門也方今萬國一變不可墨守舊規宜奉還大政於朝廷與萬國並立基業十月將軍慶喜遂奉還政權十二月九日朝廷下詔曰今日以往大小政令自朝廷出明治元年正月十二日令四方曰曩德川慶喜鞅鞅失望敢以兵逼京師今以親王熾仁任征東大總督授錦旗東征初慶喜之叛諸國公使在兵庫下局外中立令禁其人民勿援東西師勿鬻兵器及慶喜東走又告公使曰日本天皇親執政權自今以京師爲政府公使等乃奉命更訴曰近年我人民爲暴徒刺殺者以數十計參毒不忍言今國政維新望勿見此事朝廷以其言告之四方而國人惡外人者倍眾二月會各國公使於大阪本願寺文武諸官盡列外國事務官少將東久世通禧少將伊達宗城

傳命曰政府新置外國事務局命吾儕掌之自今相協議以脩鄰好固邦交且我天皇欲見諸卿公等其待後命公使等答曰固所願也然聞征東師起吾曹將避亂橫濱倘天皇賜謁願勿延宗城曰余爲外國人居留者保無虞莫以爲念公使曰然不欲曠日至是朝廷刻日或曰延夷於闕下如物議何參謀等笑不對時土藩成界浦者憤佛人橫恣礮擊十六人或死或傷而備前土亦殺佛人於神戸於是佛使大怒曰政府已保無虞何故如此因要以五條曰遣高官入佛艦謝罪曰上謝罪書於佛國曰禁日本土官佩刀入外人寓館曰出償金十五萬圓曰捕戮逆徒凡事刻三日得報苟爽期我將行吾意時朝廷新與外國和尤慎交際以此事理曲一徇所請事乃平

遂執二藩土賜死於妙國寺佛人亦來監西村氏同大后良信杉原義長浦上光則等二十餘人以次就死神色自若屠腹如割水佛人不忍見至十一人合

掌者三棟然退去

三月朔英佛米蘭諸公使入朝拜謁天皇賀大政復

古盛典英公使之朝有浪士二人要擊於途衛卒捍之殺一人捕一人公使畏中道還是日儀畢旣而帝臨太政官以五條會諸侯盟誓其末曰求知識於寰宇以振起皇基遂布告全國於是外交事畧定京人相賀

日本國志卷八

浙江書局刊

高保康校

朱元煦校

丁立誠校

日本國志第三

卷之九

出使日本參贊官黃遵憲編纂

天文志

外史氏曰自地而上皆天也日月之照星辰之明天之覆萬國者莫不同也蒼蒼者其正色耶舟車之所至人力之所通海之所際地之所載萬國之觀天亦莫不同也所未同者各國推步之法耳余觀中國之誌天文者有二一在因天變而厲修省自三代時已有太史所職在察天文記時政蓋合占候紀載之事而司以一人故每借天變以儆人事春秋本舊史而紀日食後世史志因之因有日食修德月食修刑之說前代好諛之主有當食不食及食不及分諷宰相上表率百寮而拜賀者其謬妄固不必言而聖君賢主明知日月薄蝕纏度有定數千百年可